

# 檳城新報

印六拜禮牌門號二十三第及號十三百二號八十二百二第街中在設開館本

Printed and Published by Lim Seng Hooi at the Criterion Press, Nos. 228, 230 & 232, Beach Street, Penang.

本館告白 ○啟者本館每日新聞清晨即派人送呈本坡 各寶號台覽倘有遺漏之處統冀 閱報諸君懇即  
前來通知或 惠函示悉容當續送以補閱者端此奉 聞 光緒二十五年七月十七日 本館謹啟

錄 目

愛國論三 論民權  
愛國論二  
西藏問俗  
錫務日記  
府案彙誌  
四國近政  
英京來電  
鐵路新章  
亞齊風聲  
檳城秋鎮  
日本拓界  
各行告白  
星坡來電  
屠戶罷市  
理蛇誌異  
誤允租界  
各貨行情


國者何積民而成也國政者何民自治其事也愛國者何民自愛其身也故民權興則國權立民權滅則國權亡為君相者而務壓民之權是之謂自棄其國為民者而不務各伸其權是之謂自棄其身故言愛國必自與民權始 今世之言治國者莫不以練兵理財為獨一無二之政策吾固不以練兵理財為足以盡國家之大事也然吾不敢謂練兵理財為非國家之大事也即以此二者論之有民權則兵可以練否則練而無所用也有民權則財可以理否則理而無所得也何以言之國之有兵所以保護民之性命財產也故言國家學者謂凡國民皆有當兵之義務蓋人人欲自保其性命財產則人人不可不自出其力以衛之名為衛國實則自衛也故謂之自衛戰人自衛戰天下之大勇莫過於是不觀鄉民之械鬥者乎豈嘗有人焉為之督責之勸告之而靡頂放踵一往不顧比比皆是豈非人人自衛其身家之所致歟西國兵家言曰凡選兵不可招募他國人之蓋他國應募而為兵者其戰事於己之財產性命無有關係則其愛國之心不發而必不力夫中國之兵雖本國人之自為之而實與他國應募者無異也西人以國為斯民之公產王侯將相者通國之公僕隸也中國以國為一人之私產輒曰王者富有四海臣妾億兆臣妾云者猶曰奴虜云耳故彼其民為公益公利自為門也而中國則奴為其主門也聖奴虜以門貴人則安所往而不敗也不觀夫江南自強軍乎每歲糜巨萬之餉以訓練之然逃亡者項背相望往往練之數月甫成步武而棄去以去故每閱三年則舊兵散者殆盡全軍皆新兵矣未戰時猶且如是況於臨陣哉其餘新練諸軍情形莫不如是能養之於平日而不能得其用於一時彼中東之役其前車矣今試問新練諸軍一旦有事能有所用也 國之有財政所以為一國之人辦公事也辦事不可無費用則仍釀資於民以充其費苟釀之於民者悉用之於民所釀雖多未有以病者也不觀乎鄉民乎歲時伏臘迎神祭賽戶戶而釀之人人而攤派之莫或以為厲已也何也吾所出者知其所在何處則羣焉信之欣然而輸之故西人理財之案必決於下議院有將辦之事議其當辦與否既人人以為當辦矣則必其事之有益於公衆也於是合公衆以謀其費之所出以一國之財辦一國之事未有不能濟者也而又於先事有豫算焉於既事有決算焉 豫算者先大畧擬此費用逐條列出而籌之也決算者徵信錄之意也 一切與民共之民既知此事之不可以不辦也又知其所出之費確為辦此事之用也夫誰不樂輸之又不惟辦事而已即國家有不幸如戰敗賠款之事若法國之於普國賠至五千兆佛郎之多亦一呼集之何也當其開戰之始既經國民之公議以為許與否未嘗商之於民焉一二庸臣冒昧而行之秘密而議之私相授受而許之一日舉其所費而盡委其於民焉賠款之可任之夫我朝之於租稅可謂極薄矣而民願不以為德者凡人之情出其所用雖鉅萬而不辭出其財而不知其所用雖一文而必吝故民政之國其民為國家擔任經費灑血汗以報國曾無怨詞雖有重費之事苟屬當辦者無不舉焉中國則司農仰屋於廟堂哀鴻號喚於中澤上下交病而百事不舉此其故可深長思也今之言理財者非事搜括則事節

## 售出貨各司公限有弟兄葛緞


KATZ BROTHERS Limited, Penang.

駝駱上頂  
帶車火毛發  
兌

柴火標鷹



本公司所售鷹標火柴工料精妙  
既擦燃之如意復潮濕之無虞誠  
與眾不同相伯仲已蒙 諸君試用  
各屬流行即本埠社尾協振號緞  
羅申街晉昌號及噠中各大商家  
均有代兌 諸君賜顧者請認飛  
鷹標頭為記庶不致誤此佈  
大清光緒丙申年四月十七日  
大英一千八百九十六年五月十  
九號 緞葛兄弟公司啟



酒蜜標頭猪雄

T.B. HALL & CO




啟者本公司自  
到頭爾士雄猪  
頭印蜜酒來檳  
招售此酒異常  
精美飲者能養  
精神調和氣血  
諸君購酒請  
認此標為記庶  
不致誤特此佈  
聞

售發油土標龍


啟者本公司新到龍印土油  
來檳出售 諸君光顧其油  
選擇精料配製燈光亮亮無  
煙可向代理人中街藏德號  
緞羅申瑞遠號裕勝號採買  
便是特此佈 聞

酒池連萬力國



此酒製造之法精妙異常酒味清香且能補血壯氣其功甚大凡欲購者請認明此標為記庶不致誤此佈

酒已實威堅武



啟者本局所製之肥兒粉專培養嬰兒及人  
身羸弱兼補益血肉筋脈及令骨格粗健此  
粉係精究化學參考醫理用五穀製煉而成  
全無漿滯之氣亦無蔗糖攪入其性質極易  
消化一入腹內便可直透血管且有枳灰之  
功力擅治不消化及嘔腐吞酸等病給嬰兒  
兒及體弱之人服食與以消解牛奶滯氣用  
牛奶開服可以培補全身無論人身壯弱有  
無病症服之俱無不宜若給乳母服食能使  
乳汁暢旺極鮮美有益





PERAK STATE RAILWAYS.

PROVINCE WELLESLEY SECTION

Time Table from 1st July, 1899, until further notice.

大 小 叻 國 家 火 車 啓 行 時 刻

Table with columns for '大', '小', '叻', '國', '家', '火', '車' and rows for '啓', '行', '時', '刻'. It details train schedules between various stations like 檳城, 怡保, 太平, etc.

檳 城 及 過 港 各 處 客 稅 列 明

Table listing passenger fares and taxes for various routes. Columns include '由某地方至某處', '單名客稅', and '位'. It details fares for different classes and distances.

省假而宜吏之修扣之又扣兵士之餉減之又減而民之受病也如故民債之借酷於催科昭信之票等於肚篋而國帑之匱乏也如故豈中國之果無財哉... 英京來電... 護兵盡職... 西藏問俗... 屠戶罷市... 錫務日紀... 檳城秋額...

邦此非不知其故也或曰英國賦意大利以出於此舉也豈可不謂奇乎或又曰英藉德奧意三國同盟欲解釋清國事件先說服意大利亦欲結英與外...

拍賣當舖各物告白 ○啓者茲將西一千八百九十九年正月及二月各當舖所當滿號各物在十元以上者盡行拍賣定西九月六號及七號即華八月初二日及初三日在港仔口五十六號門牌本館拍賣 諸君合意者屆期請到是處承買現銀領貨此佈

招辦鴉片餉碼 ○色籠我國家輔政司為招投色籠我轄內鴉片入口餉碼事仰各色人等知悉今將招辦規條臚列於左 一凡承辦是碼由西一千九百年正月一號算起以二年為限投票之期限至一千八百九十九年九月廿五號即華八月廿一日中午截止...

退股聲明 ○敬啟者茲我 林擇選 林世上 林衍斌 林英才 林光毅 林源泉 等自壬午年年在日理棉蘭合夥共作什貨生理建號曰新錦成 至本年元月初十日截止同堂結算明白因 林擇選 林光毅 林英才 林源泉 四人意欲別圖即將股份本利銀一概抽出願將 新錦成號生理及貨底家器來往數項全盤歸與 林世上 林衍斌 二人承受倘日後新錦成號生理盈虧與我 林擇選 林光毅 林英才 林源泉 等四人無涉自今以後所有來往數項及支借等情惟向經手是問與我退股人無干特此聲明以免後論

訪尋命理先生 ○予於癸巳歲在本埠觀音廟邊天下第一命相館中獲晤潘中岳先生請其批寫命書於今七年所歷運途與先生所評者若合符節先生之知命固有可以前知者名爲天下第一家詢不愧也予忝無以爲報爰刊列報章倘 諸君子有知先生現在蹤跡者煩爲代報請到廣福居公館第其定命之恩將圖報焉 光緒己亥年七月初九日 英一千八百九十九年八月十四日 林克全謹啓

英昂限期 ○啓者本埠七月焚昂之事蒙 謝君有義面求巡捕官准于西歷八月六號九號十二號十八號十九號二十號廿一號廿二號廿三號廿四號廿七號廿八號九月一號四號即華七月初一初四初七初十初十三初十六初十七初十八初十九初二十初廿一初廿二初廿三初廿四初廿五初廿六初廿七初廿八初廿九等日每日自午後二點鐘起至夜一點鐘止各舖戶均可在街上焚昂送衣倫有阻止等事可到中街義泰內說明便能安頓妥善此佈 光緒廿五年六月廿九日 廣福總理等公啓

代理宜安保險洋面告白 ○啓者本號代理香港宜安保險有限公司專保洋面輪船往來貨物保費相宜至遇賠償等事俱從安速辦理準本月十四日起保諸翁 光顧請移 玉到土庫街門牌四十八號敝號賜教是荷謹此佈 聞 光緒己亥年四月十三日 廣福代理人萬榮號謹白

人則十九始舉行是事每年如此不知何因也然其供飾之盛祀事之誠闔閭齊開法筵相接冥資繳衣羅列門首煥煥爛爛繽紛花菓馨香金翠耀目日也自晨至西海旁一街如入山陰道上應接不暇遊者如雲車難方軌楚館嬌娃又復乘輿來聽法曲羅綺香風更覺蕩怡心自歷年風光大都如是不料今年天不作便晨光熹微之際便大雨傾盆銀河倒瀉如明皇在便殿召姚元之之時至昏不歇各家止可草草了事一切供飾收歛盡遊客主人殊阻佳興也且鑑光內及剖牛巷等處積潦盈尺大有行不得也哥哥之歎據老者言本坡數十年中元佳會未曾有如今日之掃興云

埋蛇誌異 ○頃聞本埠灣斗地方有閩人林某者設一肆日販菜菓爲生并畜有母豬數頭亦家居常事也月之十七早陰霾四布曉日無光約六點鐘時突聞霹靂一聲遍地皆震林聽得親切竟似從其屋後起者屋後固林之畜豬處也林心急冒雨往視之至則一母豬斃矣視其腹似炸裂者中有小蛇無數蠕蠕而動有白質者有黑質者有青黃赤不等者斑駁陸離心目俱駭繼思物係創見中必有毒留之恐致傷人遂令其店夥以畚掃埋之僻處如此居心亦云厚矣古有埋蛇之孫叔敖不圖又見之於今也

販鴨飛蛙 ○閩人戴某素居過港地方以畜飼爲業月來因中元慶節各物多有銷場日籠雞鴨來坡喚賣亦頗幸利市也於十八日又挑羣鴨來坡至午後空籠而歸共得洋十餘元藏諸衣袋中道經錦美街突被二匪搶去欲往追之則該匪已分竄於狹巷支途無從認識誠無如何遂往捕房求其查緝然妖飛已遠捉影捕風亦多費一場辛苦耳

府案彙誌 ○十七早六下鐘有兩巫人携一馬鞍道經牛車水瞻前顧後形跡可疑被二十一號二畫巫暗差撞見向前盤問究所自來該巫人計窮無言可答差遂執之比帶回差館則又自供爲閩人邱某之馬夫亞隆託其代賣者差乃并執隆一齊送案十八日薛太守判兩巫人罰禁三禮拜隆罰禁六禮拜○十七下鐘有吉寧人南沙美在紅毛路地方擅縱一馬於路傍囓草有干禁例被副總巡官撞見即帶回解案同日薛太守判罰銀三元○十七夜十下鐘觀音亭邊捕房總差賈丁孝士憑線人到大門樓二百八十四號門牌執獲聚賭粵人十三名帶回報案同日薛太守判各罰銀六元

日本拓界 ○天津聞報云日本請以廈門虎頭山一帶地方爲租界俾觀察力持不可往復辯論迄今尙無成議日人函稟駐京日使向總署要索總署現已允諾特於月前電致廈門某署諭令將虎頭山一帶准日本開拓租界其地上由虎頭山下至草仔鞍山頗爲綿亘云

誤允租界 ○福州南台地方有大橋兩傍分爲橋南橋北兩處洋人所居北則爲華人貿易輻輳之要區前經日人索租橋北一帶許制軍並未允許而閩縣陳大令誤會上臺旨意竟將橋北界址許與日人許制軍聞之赫然大怒嚴詞申斥大令大懼即謂日領事告以上臺尙未應允日領事答云業已電達政府未便改議云云

美報論支那人移住 ○支那之民言語風俗文字宗教皆定於一其古來已有相傳之技藝未可以野蠻未開化之民視之也然其文明程度遠輸美兩國者何哉蓋美人則進化支那人則退化美人則日新支那人則守舊守舊故不欲改革制度更易文物此所以較美國有遲庭之分也夫尤外人雜居內地必估其私以保身家爲重來居美國者亦不脫其舊習以服從美國法律太平沿岸諸州所以別施法律以治支那人也桑港有支那部落買賣婦女公然無所忌憚支那人之居于此地者大概皆屬此輩部下故居美國者久而不能化其國風也若携其家族父子夫婦相率以入美國烏得無害於美國統一之治哉故政家知其難化不允隨意移住欲以限制之而已或曰支那人之移住利於美國生資吁是何言乎其勞役者工價低廉非他國勞役者之比則只利于傭主不利于全國衣服飲食與在本國之時無異則有害于我美國之開化也或曰凡此輩生計未饒故心忮吝者若享受文明之政亦能盛美其志也此言固然然支那移住之人欲與白哲傭作者爭力故軍身不携家眷因無憂於人口繁殖只恐妨美國人口繁殖也今日美國國民分貧富等位當是時支那人來住益繁悉收貨財擁贊自殖與內地之人同其位置豈得謂正理之處置哉或曰一視同仁也或曰移住自由也嗚呼試以一家警之家有性質不同者必亂其風儀傷其生計雖有仁者不能不拒之也

四國近政 ○德國垂涎東洋有年矣日侯時機之至會清民殺其國教師於是相議曰時機不可失也突然勃起不顧天下是非強奪膠州灣增陸兵加軍艦慘淡經營以圖進取今年二月二十四日天津有萬燈會四德人往觀驅車突入人叢中衆怒至擊傷之次日駐劄天津德國領事訪直隸總督請捕罰兇徒且聲罪要黜巡捕吏辭色俱厲德國外務大臣得報直抵議院說曰清政府若不捕罰匪徒或再有如此政府斷然有所爲也電令德國駐北京公使曰宜嚴責清政府且令東洋艦隊張虛勢以迫之嗚呼清政府有何罪受嚴督如此乎古語謂小人無罪懷璧其罪清國之謂也 意大利需索三門灣是勢空而來者也 意國於東洋有何利害以需索三門灣乎有何口所藉而欲索三門灣乎其本國財政紊亂朝不及夕有何餘資而派遣兵艦三艘於清國乎北爲歐洲諸強國所苦南敗於亞非利加前年與亞卑仙尼亞爭門意人大敗 有何餘力而遠欲富東洋之難乎且三門灣在浙江英國與清政府約不許割讓於他